

門類	第門	圖
號數	之6580	
總冊數	8	
冊數		
購求時	23年6月	
備考		
私立江漢中學校圖書館		

44260.171
36
24

圖
A
一六五八〇



官師志序

設官以爲民也而民之於官則視其近且親者而殷其待治之心蓋承流宣化大僚多駐節會城其於山陬下邑卽有設施不過提綱振領而已若令長則地較近分較親一有疾苦皆得而環告之以故人得一良有司不惟所居民樂抑且所去民思雖至時異事遷追述往事猶相與稱道其姓字而不容口則亦其習於民者素也國家官制一仿前代縣各有令佐令者有丞有簿有長陽縣志卷之四官師志序

尉有游徼其員缺則因其地而增損之而又學校董以師儒防守協以營弁蓋一邑而相維相係之意具焉長陽介在萬山視他望縣特簡故自丞簿亦稍稍從殺然牧養之寄化導之資則不以繁簡異也萊蕪之歌浚儀之祀則不以今昔殊也古人謂人苟存心利物卽一官一邑必有能自效者而況其足爲後事之師乎因志官師而以名宦附焉

歷代封建考

長陽蕞爾邑於戰國時為楚地則固熊繹之封也自是以還封建可考者惟劉宋及有明一朝剪葉頌茅稽之典册尙堪指數我朝不事分封所以大一統也而猶必列其目於職官之前者將以俾稽古之士有所考証焉爾

南朝 宋

到彥之字道豫彭城武原人以軍功封佷山縣子

明

長陽之封出自太祖庶十五子遼簡王植洪武

長陽縣志

卷之四 封建考

封衛改封遼永樂遷荊州府簡庶二子貴烺初封長陽洪熙元年進封荊州正統降庶人

按明史陳祚字永錫再按湖廣風節愈勁遼王貴烺淫酷祚與巡撫吳政劾之帝怒械兩人至京論死既而言悉驗乃赦出獄

吳政奏王不友諸弟待庶母寡恩捶死長史杜述居國多過召訊京師盡得其淫穢贖倫克暴諸不法事廢為庶人守簡王園

長陽昭和王名豪壘貴烺嫡一子成化十年以

輔國將軍襲封正德五年薨

按豪塲成化十年比弋陽永和事例以輔國將軍襲封簡庶三子貴燮封遠安上變告植反罪降庶人不准襲孫恩鈹乞照長陽王例襲封憲宗以貴燮犯不孝罪非長陽王比不允除封

長陽安靖王名恩鈞豪塲嫡一子正德九年襲封嘉靖二十年薨

長陽恭裕王名寵游恩鈞嫡一子嘉靖二十二年

長陽縣志

卷之四

封建考

二

年襲封隆慶二年薨

長陽悼莊王名致楹恭裕王寵游庶一子先卒以子憲煥襲封追封悼莊王

長陽 王名憲煥致楹庶一子萬歷二年襲封薨

長陽 王名術雅憲煥嫡一子萬歷二十四年封長子

職官

今制長陽文職知縣一員教諭一員典史一員
武職千總外委各一員官斯土者舊因文獻無
徵姓氏里居多湮沒而不傳茲於舊志僅列者
歛獻憑弔以存之新志補入者鼓舞興起以存
之至訓導巡檢守備把總等官已奉裁汰但有
可記亦著於篇

知縣

明

長陽縣志

卷之四

職官

趙銓宣德年任

李福成化年任

劉奎成化年任

宏治 闕

正德 闕

嘉靖 闕

隆慶 闕

伍 瑗萬歷年任

廣西舉人建文昌閣於縣署東學宮舊址

陳洪烈萬歷年任

高梁楷崇禎年任

黔之思州人重修學宮

舊志

王國彥崇禎十二年任

正己率物士民戴之有去思碑

舊志

朱方乾崇禎十六年任

修築城池民資捍衛

舊志

國朝

縣署堂前牌坊奉

長陽縣志

卷之四

職官

勅建監雍正元年

上諭知州知縣朕惟國家首重吏治爾州牧縣令乃親民官吏治之始基也貢賦獄訟爾實司之品秩雖卑責任綦重州縣官賢則民先受其利州縣不肖則民先受其害膺茲任者當體朝廷惠養元元之意以愛民為先務周察蒞屋綏輯鄉里治行果有其實循卓自有其名非內聚賄而外干譽謂之名實兼收也全省吏治如作室然督撫棟梁也司道其垣墉也州縣其基址也書曰民為邦本本固邦寧夫所以固本者

在吏治而吏治之本在州縣苟州縣之品行不端猶
基不立則室不固庸有濟乎

皇考臨御六十一年灼知州縣之重特行引見各詢明
試至詳至慎其有廉能之員每不次超擢以示鼓勵
今海內羣黎皆

皇考所懷保也朕膺

宗社重寄思纘

皇考之治功惟爾州縣諸臣具有父母斯民之責其爲
朕立之基址以固邦本焉誠能潔己奉公實心盡職

長陽縣志

卷之四

職官

三

一州一縣之中興仁興讓教孝教忠物阜民安刑清
訟簡朕將陞之朝宁用作股肱也如罔念民瘼恣意
貪婪或朘削肥家或濫刑逞虐或借刻以爲清或恃
才而多事或諂媚上司以貪位或任縱胥吏以擾民
或徇私逞欲以上虧國帑王章具在豈爾貸敷更有
任州縣時私肥己橐而謾云且俟顯要方立名節者
其與初市清名晚而改操之人何以異哉至於錢糧
關係尤重絲毫顆粒皆百姓之脂膏增一分則民受
一分之累減一分則民沾一分之澤前有請暫加火

耗抵補虧空帑項者

皇考示諭在廷不允其請爾諸臣共聞之矣今州縣火耗任意加增視爲成例民何以堪乎嗣後斷宜禁止或被上司察核或被科道糾叅必從重治罪決不寬貸夫欲清虧空之源莫若節儉正直節儉則用無不足正直則上官不可干以私若朘小民之生以飽上官之貪欲冒不測之罪以快一時之奢侈豈砥礪廉隅爲民父母之道乎爾州縣等官其恪恭乃職勿顯罪戾毋謂地遠官卑朕不及察其賢否也特諭

長陽縣志

卷之四 職官

四

雍正五年奉

上諭守令乃親民之官關係百姓之休戚故得其人則民被澤而風俗日淳不得其人則民生受累而風俗日薄自古安民必先察吏此不易之經也朕御極以來夙夜孜孜欲使薄海之內無一夫不獲其所而此願一時難遂者則以縣令之不能盡得其人也果能得有猷有爲之人布散各省分膺民社之寄彼一人之精神力量足以貫注乎一邑凡督撫大吏耳目心思之所不能遍及者縣令皆能體察經理之則民生

安得不厚風俗安得不淳而朕心無一夫不獲之願
於是乎可遂矣向來各省縣令多循養按次照例選
用之員故其中庸碌無能者有之年力衰憊者有之
少不更事者有之以致苟且因循貪位竊祿諸事關
冗職掌廢弛此等之人尙不能顧一身之考成豈能
爲地方之憑藉乎今因會試後天下舉子齊集京師
朕思其中必有才品兼優之士是以特加遴選畀以
縣令之任爾等亦各鼓舞踴躍欲乘此年力精壯之
時爲國家宣猷効用意亦甚善然朕之所望於爾等

長陽縣志

卷之四

職官

五

者不僅在於辦理刑名徵收賦稅了簿書期會之責
而已必須實盡父母斯民之道視衆庶爲一體剛柔
相濟教養兼施化澆薄而爲淳良懲儉邪以安善類
古稱愛民如子此語最宜體會父母愛子之心未有
不教之正者縣令果視民如子豈有優柔貽害姑息
養奸行婦人之仁忘聖賢之義而可謂之痼疾保赤
者乎書經曰罔遵道以干百姓之譽自古聖賢爲治
皆尙實政最惡虛名若時存沽名市惠之心必至爲
同流合污之鄉愿又何能爲整綱飭紀之良吏乎從

來父子之間施者不以爲恩受者並忘其感守令之於民果能潛移默化使閭閻習爲固然而泯其感頌之迹斯不愧父母之稱而媲美古之循良矣紳士居鄉每多違理肆行之處且師生年誼固結攀援弊端種種朕令有司約束勸導之者無非欲其屏除舊習同歸於善并非令地方官有意摧折之也爾等蒞任後於紳士之品行端方者則當加意敬禮以樹士民之坊表其小有過愆者則勸戒之令其悛改其不可覺悟不可寬宥者則寘之於法以警其餘如此則賞

長陽縣志

卷之四

職官

六

罰公明輿情悅服而觀感興起比戶可封矣爾等旣叨鄉薦皆以古之孝廉相比擬所當早夜思維何以克副此孝廉二字平時株守寒窻則以不獲見用爲歎今見用矣正可展布素懷發舒夙抱且以下第之人選期尙遠而朕破格遴選授以官職卽論感恩圖報之常情亦當人人自奮況朕實仗爾等爲朕教養斯民移風易俗以成一道同風之盛爾等豈可薄待其身而爲陋習所漸染私欲所牽制乎爾等果能卓然自立不負選用朕自格外加恩倘拜命之初一時

感激而蒞官以後頓改初心則不但國典王章無可寬貸卽清夜自思亦應無地自容矣勉之勉之

乾隆九年奉

上諭朕君臨天下愛育黎元厚生正德時切於寤寐蓋教養雖爲二端而實則相爲表裏衣食足乃可興禮義饑寒迫則罔顧廉恥是不能養民不可以言教民仍不得謂之養故教卽在於養之中養卽收教之效其理其勢固如此也乃今之司牧者但知用心刑名錢穀自顧考成苟免無過便爲得計上官亦卽以爲

長陽縣志

卷之四

職官

七

稱職其視百姓爲一體視民事爲家事以實心行實政經畫有方勸課有法使地無遺利家有蓋藏者百不得一雖遇有收之年而小民之生計亦窘及荒歉偶形議蠲議賑已非上策而胥吏作奸豪強侵蝕種種弊端不可枚舉其百姓之狡猾者又復捏虛領賑欲無饜足以致效尤囂凌刁風日熾此雖百姓之無良亦由有司之不能教養於平日賈誼所謂移風易俗使天下回心而向道類非俗吏之所能爲也朕以教養之責付之天下督撫督撫分任之州縣此古親

民之官與百姓最爲切近其所轄之地不過數十里
或一二百里形跡不甚隔絕情意易於流通果能視
百姓如赤子察其饑寒恤其困苦治其田里安其家
室以父母斯民之誠心行父母斯民之實政凡茲小
民具有秉彜斷無有不中心感激服教從風者外省
向設宣諭化導使究之一二人之身難以家喻而戶
曉且經年累月一至其地未免一暴十寒終不若州
縣各子其民懃懃懇懇惟教養是務以養爲教之本
以教成養之功不爲具文不沽虛譽但期實有裨於
長陽縣志

卷之四

職官

八

民生而不責效於旦夕爲督撫者又當開誠布公諄
切訓誨良吏則嘉獎成全之其不及者則督率勸戒
之聖人曰至誠而不動者未之有也如督撫果以實
心課吏有司果以誠心愛民歲月旣久漸摩淪浹庶
幾教養可副朕之厚望焉

又奉

上諭爲治以安民爲本安民以教養爲本二者相爲表
裏而不可偏廢務求實効而不事虛名乃克盡父母
斯民之道蓋人君總其成於上而分其任於督撫督

撫總其成於上而分其任於州縣州縣者民之司命
而又於民最親者也身居此官身履此地耳聞目擊
切近易知非地遠情疎遙爲揣度者可比是則生民
之休戚民俗之醇疵雞犬桑麻之細日用飲食之常
良奸之不一其類勤惰之各異其情必一一洞悉於
其中而後可以加之調劑所謂知州必能知一州之
事知縣必能知一縣之事顧名思義循名責實豈簿
書錢糧無誤期會遂謂可勝任而愉快也朕御極以
來孜孜圖治訓飭大吏廣勵羣僚至再至三辭煩意
長陽縣志

卷之四

職官

九

復無非欲措斯民於衽席之安復斯民以降衷之性
而細察近來有司究不免奉行故事罕有能深體朕
意以致實政而收實效者夫一州一縣之事旣不能
周知洞見則官之與民益相隔而不能相親欲其視
民之疾苦如家人之困厄視民之作僞如子弟之惰
淫救焚拯溺竭力殫心不可得矣州縣所屬地方雖
廣狹不一事物亦繁簡不同然一月之中豈無齋戒
停刑之日亦有因公下鄉之時果能乘此餘暇不辭
勞瘁親履田間與父老子弟歡然相接如家人父子

言孝言慈啟其固有之良化其惰窳之習而詢問疾苦講求利益度其原隰相其流泉審土物之宜因閭閻之便利所當興者舉之害所當除者去之則養與教兼施善政莫大乎是至於身所不能遍及之處則有約正值月人等或給之廩餼或加之獎誘使之分佈四鄉代爲化導亦可冀其分任耳目以助官之不及務使一州一邑之民情聯勢合如父子兄弟之相爲扶掖如頭目手足之相爲捍衛一州一邑如此他州他邑從而效之一郡一省如此他郡他省從而效

長陽縣志

卷之四

職官

十

之始則艱苦久則漸近自然所謂日計不足月計有餘古之循吏獨不可再見於今歟是在爲督撫者實心以勸課屬吏爲州縣者實心以愛育羣黎勉強力行毋憚勞勩政成於上民悅於下事有必至理有固然語曰至誠而不動者未之有也爲其事而無其功者亦理之所無也用是再頒此旨通行訓誨自督撫以至州縣各官皆當身體力行以奏治效毋徒視爲具文焉

又奉

上諭直省州縣地方繁簡不同屬員中才具短長亦不一是以准各省督撫酌量人地相宜題請調繁調簡以收器使之益惟是調繁之員該督撫既以特疏保舉向後非踰閑蕩檢未必不格外優容調簡之員該督撫既已置之下考向後縱奮勉向上未必肯卽登薦章朕觀各督撫於屬員調繁之後因其貪劣改操而檢舉糾叅者尙偶有之至於調簡之後因其政績可觀復行薦拔者十不獲一此成見私意之未化非虛公察吏成就人才之道也嗣後督撫等於調繁調簡之員均當秉公體察屏去成心覘其後效凡先舉而後叅者國家有檢舉之條若先調簡而後保薦者亦著疏內摺內聲明具奏如此則被薦者必加敬惕之心卽更調者亦獲黽勉自新之路庶整飭吏治之一策歟

嘉慶二十四年奉

上諭朕恭閱

皇考高宗純皇帝實錄內載乾隆九年五月欽奉

諭旨爲治以安民爲本安民以教養爲本人君總其成

於上而分其任於督撫督撫總其成於上而分其任於州縣州縣者民之司命而又與民最親者也身居此官身履此地民生之休戚民俗之醇疵雞犬桑麻之細日用飲食之常良好之不一其類勤惰之各異其情必一一洞悉於其中而後加之調劑州縣所屬地方雖廣狹不一事務亦煩簡不同然一月之中豈無齋戒停刑之日亦有因公下鄉之時果能乘此餘暇不辭勞瘁親履田間與父老子弟歡然相接如家人父子言孝言慈教其固有之良化其惰窳之習因

長陽縣志

卷之四

職官

十一

而詢問疾苦講求利益審物土之宜因閭閻之便利所當興者舉之害所當除者去之則教養兼施善政莫大於是用是再頒此旨通行訓誨自督撫以至州縣皆當身體力行以奏治效等因欽此仰見我

皇考以教養生民爲亟務

訓飭司牧至再至三朕惟治民之道教養兼資人君不能獨理於是設官分職布於天下皆所以分教養之責者也朕夙夜孜孜誠和萬民舍此二事亦無以爲羣工勸者乃身任牧民之職目視其民之陷於匪僻

於心乎夫知民所疾苦莫親於州縣其視民如子則民亦必視之如父母誠能使百里之內官民相習閭閻利弊無不周知勸其勤儉化其偷惰俾之衣食足而禮義興則雖古之循吏何以踰此若但以簿書期會爲稱職甚或祇顧身家賸民自殖一任其民之冥頑顛連而視同秦越則於朕勤求保赤之心背之遠矣此又在督撫體朕之意善爲董率一省之中州縣不下百人其間賢不肖亦至不齊爲督撫者不可以長陽縣志

卷之四

職官

三

愛憎爲取舍其考課殿最必以實政爲先牧令之中察其盡心教養者卽獎勸而薦舉之玩視民瘼者卽叅劾而懲劓之俾中材亦自奮久之百爾嚮風日計不足月計有餘民生可底於厚民俗可底於醇庶慰朕勤求上治諄諄訓誡之意焉

王如玉順治四年任

韓國祥順治七年任

鄔崇元順治九年任

鄭化順治十二年任

陳之醮順治十五年任

以上俱駐郡城治事

樊維翰康熙三年任

始駐邑治事

鄧祚光康熙八年任

初於邑立東西二城門

田恩遠康熙十一年任

初纂修長陽縣志

周 熹江南吳縣人康熙十九年任

長陽縣志

卷之四

職官

十四

初建修學宮衙署

黃應魁奉天人廕生康熙二十八年任

劉顯功奉天鑲藍旗蔭生康熙三十四年署

朱登俊浙江舉人康熙三十六年任

徐又達江南捐貢康熙四十八年任

楊國聲直隸萬全縣拔貢康熙年任

金芝潤江甯舉人康熙年任

李 恂山西捐貢雍正二年任

始補修務本書院

喬 沂江南蘇州人雍正年署

李 菁四川舉人雍正六年任

柯 煜江南進士雍正七年署

號石菴困頓場屋晚始獲一官迨舉博學鴻
辭而石菴沒从矣遇之齋也如此著有石菴

詩鈔 今詩別裁

周 琪四川忠州舉人雍正年署

孟 琅陝西捐貢雍正八年任

楊復晉山東蓬萊舉人乾隆三年任

長陽縣志

卷之四

職官

十五

鹿驄豫江南捐貢乾隆年署

趙雲龍四川舉人乾隆年署

程士騏江南徽州捐貢乾隆年署

張榮倫湖南進士乾隆七年任

于大鵬雲南昆明舉人乾隆九年任

樸誠可嘉

趙廷揆貴州舉人乾隆十年署

雷聲渙北直舉人乾隆十一年任

田 榕貴州拔貢乾隆十二年署

郭新鄰河南進士乾隆十三年任

李拔四川犍為進士乾隆十七年任以上舊志

李雲凱陝西舉人乾隆二十年任

王天德乾隆二十年任

史鳳輝乾隆二十一年任

吳在寬乾隆二十三年任

王統江蘇舉人乾隆二十三年任

馮浩乾隆二十四年任

鮑祖望乾隆二十四年任

長陽縣志 卷之四 職官

王天德乾隆二十五年再任

和剛陝西舉人乾隆二十六年任

李一燦河南舉人乾隆三十一年署

紀淑曾直隸文安舉人乾隆三十二年任

幹才吏治見重上游陞漢陽府同知歷陞至

湖南衡永道

劉毓璠廣東舉人乾隆三十二年任

王麗中山西舉人乾隆三十四年任

張尙寶湖南巴陵舉人乾隆三十七年任

石國任乾隆三十八年署

盧 燾甘肅涼州舉人乾隆四十年任

史偉烈河南舉人乾隆四十一年任

錢 杰淮安捐貢乾隆四十二年署

天才敏捷決斷如流嚴而不至於苛

王麗中四十三年再任

品望儒雅才華優裕兩至長陽人多稱之

王化臯北直舉人乾隆四十四年任

龐慎鍊浙江天台拔貢乾隆四十五年任

長陽縣志

卷之四

職官

十七

馮 瀛江西人乾隆四十七年任

林贊盛湖南巴陵捐貢乾隆四十七年任

鍾濟亨廣東舉人乾隆四十七年任

莊士登廣東舉人乾隆四十八年任

李雲鰲雲南舉人乾隆五十年任

張統緒陝西舉人乾隆五十年任

陳思輯乾隆五十二年代

何學青乾隆五十二年代

馮廷鎬浙江舉人乾隆五十三年任

楊于果甘肅進士乾隆五十四年任

學問淹博吏治精詳重修東西城門及東門

一帶城墻擢補荊州府通判

陳燿浙江進士乾隆六十年任

蔣振萬安慶捐貢嘉慶元年任

嘉慶元年賊匪滋擾帶領鄉勇住扎聶家河
等處禮文士惜卒伍上游重之

沈堂直隸舉人嘉慶元年任

金克俊直隸人嘉慶二年署

長陽縣志

卷之四

職官

李維本甘肅拔貢嘉慶二年任

陳本禮湖南武陵舉人嘉慶四年任

才畧自負博學多能建修清江書院

彭運修湖南宜章人庚子解元嘉慶七年任

惠廷鸞浙江捐貢嘉慶十一年署

張世維山東蓬萊吏員由軍功議敘嘉慶十一

年任

沈夔蘭浙江烏程舉人嘉慶十四年任

呂師讓江西捐貢嘉慶十六年署

劉運浩湖南巴陵舉人嘉慶十七年任

王 瞰山東黃縣人嘉慶十九年署

楊念劬直隸清苑人嘉慶二十年署

劉 砥山西夏縣進士嘉慶二十年任

張起雲順天宛平人嘉慶二十三年署

鄧應熙廣東東莞舉人嘉慶二十四年署

朱庭榮廣西臨桂縣監生嘉慶二十五年任

程緒曾江西鉛山縣舉人道光二年任

教諭

長陽縣志

卷之四

職官

五

明

簡 載宣德年任

正統 闕

景泰 闕

天順 闕

成化 闕

程 淳宏治年任

劉永祥正德年任

嘉靖 闕

隆慶 闕

萬歷 闕

天啟 闕

崇禎 闕

訓導 移鶴峯州

明

周約

何派

國朝

長陽縣志

卷之四

職官

二十

蕭人蕃德安人

羅物載漢川捐貢

謝世奕沔陽捐貢

譚一豫天門捐貢

劉琦宜城捐貢

張汝怡湖南舉人

方璫漢陽副榜

趙琦江夏拔貢

程光獻孝感舉人

馬夢硯天門舉人

吳楷漢陽捐貢

胡師清羅田恩貢

以上教諭載舊志

劉聯聲

鄭維棟

淡近綱蒲圻歲貢

郭之德安歲貢

樊維重鄖陽歲貢 張弛互襄陽歲貢

楊佐聖荆門捐貢 馬其爵孝感歲貢

萬大成鍾祥歲貢 錢體晉棗陽歲貢

孫錫漢陽歲貢 謝基正監利歲貢

甘必湛公安歲貢 以上訓導載舊志 此後皆教諭

夏琦石首副榜 胡其鑾咸寧人

龍麟瑗恩施恩貢 葉失名黃州人

曹德光 郭鍾琛

徐在炎 王文燦漢陽人

長陽縣志 卷之四 職官 三

張相襄陽拔貢 尹一聲蒲圻舉人

李仙桂江西舉人 曹渚枝江拔貢

張天育 黎時雍安陸舉人

張維直 王德昶漢陽

王成笏應城拔貢 王如鰲黃岡副榜

雷攀龍江陵舉人 程士權隨州副榜

李道坦應城捐貢 蔡作杞雲夢副榜

鍾茂詮興國舉人 潘紹淳蘄水拔貢

易慶善漢陽捐貢 方晉源興國舉人

吳道源東湖拔貢

熊堉仁漢陽拔貢

巡檢

按明史總督邢玠救朝鮮復議調川東施州衛八司酉陽石砭土司邑梅平茶二長官司湖廣永保土司兵萬人不足則取之敘馬瀘之屬部議以川獠叛服靡常允調其半玠後言土兵土司所以守衛先年調征累立戰功議者謂其悍而難制亦在有以馭之耳乃命悉如所請末年兵事棘當事者率以徵調三

長陽縣志

卷之四 職官

三

省土司爲長策科臣明時舉調兵蜀中文武大吏俱臨重慶誓師而蘭目奢崇明作亂是時諸土司惟石砭女官秦良玉最忠順其他貪利嗜殺所過殘暴舊制狼土兵所過城邑不許入城然鄉民罹毒者多矣歸州之長陽巴東地連容美諸洞洞蠻每出掠洪武中土人譚天富者聚衆擊敗之乃選土民如天富者授巡檢以捍諸蠻

明

蹇朝碧

稜草關蠻兵入寇帥弓兵禦賊有功題請世襲

國朝

蹇運達

稜草關世襲順治初帥眾投誠陞授貴州柔遠所都司

劉芳蘭

吳胤昌

劉國梁

趙瓚

長陽縣志

卷之四

職官

蔡廷選

劉士鳳

黃之梅

以上舊志

典史

明

侯加祿

國朝

孟啟鄴浙江富平人

黃元鼎

賈允成

賈光宏

陳德培

陳全智

張維孝江南無錫人

董必顯浙江紹興人

劉茂謙江南旌德人

以上舊志

李鴻業順天大興人

邱子璠湖南鈴陽人

俞有璋

長陽縣志

卷之四

職官

張增琛山西浮山人

許青錢

耿基山東聊城人

譚錫章廣東豐順人

劉永忠湖南人

張力勳湖南湘潭人

周履福順天宛平人

任元春江蘇上元人

林汝芳四川什邡人

錢聲遠浙江會稽人

戴聯之

潘定拔

高慶齡

劉廣福徽州潁上人

任元春再任

弋長燮河南登封人

高森直隸大興人

劉鳴皋江西上饒人

長陽縣志

卷之四

職官

費泰交

張業培江蘇吳縣人

鄭遇春四川夔州人

龔玉庭浙江紹興人

徐聖敬江蘇蕪榆人

劉鳴皋再任

應文泌江西宜璜人

鍾城順天宛平人

代辦

守備

移長樂縣

靳宗臣康熙四年任

鞠世忠康熙十八年任

張元捷康熙二十二年任

林發祥康熙二十六年任

趙由高康熙四十一年任

袁 管江南武舉康熙四十七年任

郝永茂貴州行伍雍正元年任

喻天柱江西行伍雍正五年任

彭文炤福建行伍雍正八年任至十三年移駐

長陽縣志

卷之四

職官

三六

長樂 以上舊志

千總

閻 貴

郭 輔陝西人

李 芳

趙 勝

吳如鐸

楊化龍

王鳴鶴

李應珍宜昌人

秦祥昌

盧 愷

孟學孔襄陽人

王 順江夏人

趙文舉

王應龍荆門人

張大勳陝西武舉

唐

英興山人

以上舊志

李進祿遠安行伍

朱扶國江西武舉

何應龍貴州武舉

李盛俊施南行伍

周向仁施南行伍

張世魁鶴峯世襲

楊崑遠安行伍

張玉遠安行伍

把總 裁移

余芳

王亮

鄒思貴

蔣光儒

張起太

周從公

長陽縣志

卷之四

職官

宋榮華

龔卿四川人

詹世科武舉

林玉

趙玠

段士章江陵人

馬中德宜昌人

以上舊志

外委

駐防資坵

鄧銓

向上達

李士奇

以上舊志

高杰

李成時

朱懷

張鰲

伍成茂

郭應祖

楊升

覃禮秀

趙大榮

袁大才

孫蛟

胡宏開

馬學佩

按周官縣有正春秋裂地有縣又有郡時縣大郡小上大夫受縣下大夫受郡曰宰曰尹曰公曰大夫職守維均戰國始立郡大縣小之制所謂宜陽大縣實為郡也秦漢又析縣

長陽縣志

卷之四

職官

三

之大小曰令曰長曰相晉大縣令有治績宜報以大郡不經宰縣不得入為台閣北齊令有上中下九等唐分赤畿望上中下六等五代任官凡齷齪無能者始注為縣令故邑率不治知縣之稱見於宋以朝臣為知縣元達魯花赤尹縣分上中下縣各有達魯花赤掌印知縣尹掌判署事又有赤縣達魯明知縣

分三等

國朝有最要要緊中簡四項長陽為簡缺縣佐有丞

簿尉漢志惟載丞尉而不入簿且不與丞尉同邀印綬蓋古者三公御史而下皆有主簿鈎考文書而已後世同爲縣佐唐京縣丞三員北京太原晉陽各用一人高宗始爲品官貳於令宋縣並置丞一員元中下縣不置丞明大縣俱有丞餘或置或否今長陽無縣丞唐京置主簿三員宋小縣無令以主簿兼令大縣無簿以知縣兼簿元明縣有主簿今長陽無主簿縣尉見春秋戰國兩漢稱左右部

長陽縣志

卷之四

職官

三十九

六朝號法曹唐宋皆士人擢第授尉起家元別置印典史明去尉專置典史爲令屬今長陽典史一員主捕盜賊典監獄大抵丞簿則因地建設而縣無不置典史者矣巡檢卽古游徼也長陽舊設三巡檢自容美改土歸流奉裁草郡國立學皆有師儒之官漢爲文學椽唐爲經學博士開元初州縣鄉學皆擇師教授宋慶歷四年許置縣學元祐元年各設教授始有教職元各路置儒學教授明縣設

教諭一員訓導二員銓選於他省

國朝皆本省授官府教授一員州學正一員縣教諭
一員州縣各訓導一員長陽訓導撥入鶴峯
州因編列職官而考其源流於此

長陽縣志

卷之四 職官

三

名宦

名者實之賓也有忠信之長而不神明尊之者乎有慈惠之師而不父母親之者乎非特口碑在當時也思之慕之愈久而不能忘則祠以祀之而俎豆馨香以永之邑自宋元以前蒞任題名俱無考明以後其姓氏及歷官政畧間可旁搜不表而出之是其功其德雖可以不祧而其名早已湮沒而不傳也可乎哉

南朝 宋

長陽縣志

卷之四 名宦

到彥之字道豫以軍功封佷山縣子武帝受命進爵為侯佐守荆楚垂二十載威信為士庶所懷 南史

明

陳洪烈光山人萬歷中知長陽縣縣接溪洞多梗化洪烈撫循有法威惠兼施終其任無邊患 通志

國朝

樊維翰由內院供事來宰長邑先是蠻獠爭來

亨盤踞茅蘆山長邑屢遭荼毒城郭坵墟邑
令皆駐郡城遙治縣事會靖西將軍穆 討
平檄委任事翰單騎至縣招撫流亡建茅屋
於縣舊址餘乃次第舉行長邑殘黎始獲更
生 舊志

田恩遠於康熙十一年任長陽令才智過人恩
威並著不二年委署彝陵州事值吳逆逼城
人心惶恐遠獨定議堅守數日救兵至敗之
遂擢彝陵州知州嘗署荊州郡守事 舊志

長陽縣志

卷之四

名宦

二

朱登俊浙江蕭山人由孝廉來至長邑冰清自
矢剛明御物其母賢淑公判事必稟之母曰
罪疑惟輕爾勿率性以戕人也如此所保全
者甚衆撫長十二載政簡刑清士民樂業後
母卒於官舍邑人盡執紼舟送數十里乃還
爲立去思碑 舊志

徐又達江南金壇人由捐貢爲武陵縣丞陞長
邑令有膽畧獨斷敢爲士蠻憚其威撫長十
餘年修舉廢墜百度維新禱神降妖異政不

能殫述所著有行已錄年六十餘致仕邑人
為立去思碑 舊志

楊國聲直隸萬全縣人以拔貢令長陽前此官
民不相安國聲奉檄單騎撫諭民情帖然後
以能擢夔陵州知州洊陞刑部郎中 宣化府志

孟 琅陝西涇陽人由捐貢撫長七載氣宇端
凝德性溫厚聽斷詳明懲奸剔弊邑人食其
福者累年後以監修江沿議陞宜郡通判復
陞雅州知府 舊志

長陽縣志

卷之四

名宦

三

張榮倫衡陽人由雍正癸卯進士令長邑忠厚
和平有儒者風甫下車卽延師課邑子弟禮
士愛民清刑平獄後擢潛江令又遷東湖令
舊志

雷聲渙北直宛平人由孝廉任長邑禮賢下士
潔已愛人料事出人意表塵封案牘莫不澄
清健訟者皆不事庭訊自相輸服民得安堵
焉撫長年餘上憲嘉其能遂遷京山邑人至
今思其德 舊志

田 榕貴州玉屏人由舉人試用長陽氣宇端
凝德性恬靜課士有格聽訟無冤署長半載
精勤無暇日將去猶登堂判事人曰任事者
至矣榕曰吾在位一日則盡一日之職而已
他何知焉尋遷安陸令士民攀轅臥轍如嬰
兒之失父母焉 舊志

李 拔四川犍為進士乾隆十六年知長陽縣
重修縣志補築城垣振廢起墜以能擢江夏
令歷任至荆宜施道

長陽縣志

卷之四 名宦

四

蔣振萬安慶懷寧人寄籍順天大興由試用縣
丞代辦長陽縣事貌豐肥而多髭工辭翰精
書法有治才嘉慶元年隨勦灌灣腦涼山諸
賊禮士得民督率壯勇親冒矢石所向有功
嗣後隨大營差委積勞致疾乞假卒通志載
入名宦

劉 砥山西夏縣人字琢山由進士令長陽世
習儒素口不言錢親正人抑豪右撻奸發伏
四境肅清民志和樂清慎勤三字身體而力

行之鄰邑傾風以分校鄉圍事赴省構疾旋
署遂告終城鄉無少長皆哭失聲囊空空如
地方出貲送家屬先歸靈柩停滯於茲桂林
朱庭榮繼任復倡義捐金命其弟扶櫬歸里
於其行也送之舟次執紼者數百人民至今
不能忘

按長陽置縣最古良吏應不乏人曩時地近
土蠻時遭出掠宋元以前無論已如明史所
載周德興李文忠梅思祖仇斌張銓趙庸曹

長陽縣志

卷之四

名宦

五

良臣諸人皆討平容美等洞長之人實受其
澤惜當日無有筆記之者此後如舊志藝文
中見周伯殷之禱雨劉胤之題咏冉公之去
思又僅誌其姓氏而無名號或有名姓而不
知其官爵里居徒令人上下千百年間懸想
夫安靜之吏之若有若無焉耳